

NAQQIUT

Siunnersummut 20. august 2010-mik ullulerneqarsimasumut taartaavoq

Siunnersuutip avatangiisinut tunngasumik siunertaqarnera ersarissarniarlugu inatsisip taaguuta kiisalu inatsisip oqaasertai allannguiffingeqarput. Taamaalilluni taagut "akitsuut" pisariaqarfini allanngortinneqarpoq ima "avatangiisinut akitsuut". Aamma erseqqissaatinik inatsisinullu attuumassutilinnik allannguisoqarpoq. Allannguutit siunnersummi ilanngunneqarput.

**Uunga siunnersuut: Nukissiornermi ikummatisat avatangiisinut akitsuutaat pillugu
Inatsisartut inatsisaat nr. xx., xx.xxxx 2010-meersoq**

Nukissiornermi ikummatisat assigisaasalu avatangiisinut akitsuutaat

§ 1. Uuliat aatsitassanit pisut, aamarsuit gassillu Kalaallit Nunaanni kiassarnermut innaallagiissiornermullu atorneqartut kiisalu motoorinut ikummatisatut atorneqartut avatangiisinut akitsuummik akitsuuserneqartassapput.

Imm. 2. Avatangiisinut akitsuut ima annertussuseqarpoq:

1) Solaarit suulluunniit, ilanngullugit petruuli, Jet A	Liiterimut 15° C-imi	0 kr. 25 øre
1 assigisaallu		
2) Fueluulia	Tonsimut	284 kr. 50 øre
3) Motoorinut benziinat suulluunniit, ilanngullugit	Liiterimut 15° C-imi	0 kr. 25 øre
timmisartut orsussaat		
assigisaallu		
4) Gassit suulluunniit, ilanngullugit naturgassi, bygassi assigisaallu, gassili puiaasamiittoq pinnagu	Nm3-mut	276 kr. 00 øre
5) Aamarsuit suulluunniit, ilanngullugit stenkul, jordolieoks, brunkul, qisummit usserusiat	Tonsimut	183 kr. 50 øre
(trætjære) assigisaallu		

Imm. 3. Ikummatisap, ikummatisat imm. 2-mi taaneqartut imaluunniit ikummatisat taakku nioqqutissallu allat atorlugit akuukkap avatangiisinut akitsuutaa tassaavoq nioqqutissap inatsit una naapertorlugu qaffasinnerpaamik akitsuutilip akitsuutaa,akuugaq kiassarnermut innaallagiissiornermullu imaluunniit motoorimut ikummatisatut atorneqarsinnaappat.

Imm. 4. Taamaattorli uuliakup imermik akullip umiarsuarni katersap, aammalu kiassarnermut innaallagissiornermulluunniit atorneqartup atorneqartussatulluunniit naatsorsuussap avatangii-sinut akitsuutaa tassaavoq imm. 2, nr. 1 malillugu akit procentiat imaattoq:

- 1) 35 pct. imermik 65 pct.-imik taannaluunniit sinnerlugu akulik.
- 2) 70 pct. imermik minnerpaamik 30 pct.-imik aamma 65 pct. inorlugu akulik.
- 3) 95 pct. imermik minnerpaamik 5 pct.-imik aamma 30 pct. inorlugu akulik.
- 4) 100 pct. imermik 5 pct. inorlugu akulik.

Imm. 5. Suliffeqarfiiit, aatsitassat pillugit ingerlatallu tamatumunnga pingaaruteqartut pillugit Inatsisartut inatsisaat naapertorlugu akuersissuteqarfingeqartut avatangiisiniut akitsuut akiler-tagassaat, akit imm. 2-miit 4-mut taaneqartut 10 procentiannik annertussuseqarpoq.

§ 2. Nioqqutissat Kalaallit Nunaanni piiakkat sulialluunniit kiisalu nioqqutissat akitsuuteqarfiusumut eqqunneqarnerminni, kiassarnermut, innaallagissiornermut imaluunniit motoorimut ikummatissatut atorneqartussaanatik allanut atorneqartussatut naatsorsuussat, tak. nioqqutissa-nik eqqussuineq annissuinerlu pillugit Inatsisartut inatsisaanni § 6, siunertanut taaneqartunut ikummatissanngortinneqarpata akitsuummik akiliisussaatitaaneq atuutilissaq.

Imm. 2. Nioqqutissat akitsuuteqarfiusumut eqqunneqarnerminni kiassarnermut, innaallagissiornermut imaluunniit motoorimut ikummatissatut atorneqartussatut naatsorsuussat akitsuuteqarfiusumut eqqunneqarneranni akitsuummik akiliisussaatitaaneq atuutilissaq.

Imm. 3. Avatangiisiniut akitsuut akitsuummik akiliisussaatitaanerup atuutilernerani akilerne-qartussanngussaaq.

Suliffeqarfinnik assigisaannillu nalunaarsuineq

§ 3. Suliffeqarfiiit ingerlataminnut atillugu nioqqutissanik akitsuusigassanik piaasut, suliaqartut eqqussuisulluunniit uninngasuutinik peqqumaasivittut akileraaruseriffimmi nalunaarsorneqassapput.

Imm. 2. Suliffeqarfiiit allat nioqqutissanik akitsuusigassanik atuisartut uninngasuutinik peqqumaasivittut akileraaruseriffimmi nalunaarsorneqarsinnaapput, nioqqutissanut akitsuusigassanut uninngatitsivissamik minnerpaamik 1.000 m^3 -imik annertussuseqartumik peqqumaasive-qarunik. Suliffeqarfiiit arlallit ataatsimoorussamik peqqumaasiveqarunik, peqqumaasiviupilaata atukkamik annertussusia naapertorlugu akitsuummik akiliissapput.

Imm. 3. Uninngasuutinik peqqumaasiviusut nalunaarsornissaannut Naalakkersuisut erseqqin-nerusunik maleruagassiorsinnaapput.

§ 4. Suliffeqarfiiit aamma ingerlatsiviit assigisaallu uninngasuutinik peqqumaasivittut nalunaarsorneqarsimannngitsut, kiisalu inuit ataasiakkaat nioqqutissanik akitsuusigassanik piaasut, suliaqartut eqqussuisulluunniit akitsuummik akiliisussaatitaanerup atuutilernerani akileraaru-seriffimmut nalunaaruteqassapput.

Akitsuusigaanngitsumik uninngasuutit

§ 5. Akileraaruseriffiup suliffeqarfiiut uninngasuutinik peqqumaasivittut nalunaarsorsimasut akitsuusigaanngitsumik uninngasuuteqarnissamut akuersisummik tunisinnaavai. Akitsuusigaanngitsumik uninngasuutit taamallaat tassaasinnaapput nioqququtissat akitsuusigassat akitsuuteqarfiiup avataanut anninneqartussat naatsorsuussat, aammalu nioqququtissat § 9 naapertorlugu avatangiisirut akitsuusernagit nioqququtigineqartussat. Akileraaruseriffik akitsuusigaanngitsumik uninngasuuteqarnissamut akuersisummik tunisinerminut atatillugu akitsuusigaanngitsumik uninngasuutit pillugit piumasaqaateqarsinnaavoq.

Imm. 2. Naalakkersuisut akitsuusigaanngitsumik uninngasuutit pillugit erseqqinnerusunik maleruagassiorsinnaapput, matumani aamma naatsorsuusiornermi nakkutilliinermilu maleruagassat aalajangersarsinnaallugit kiisalu akileraaruseriffiup akuersissutinik tunisinerminut atatillugu qularnaveeqqusinissamik piumasaqaateqarsinnaanera aalajangersinnaallugu.

Piffissaq akitsuusiiffissaq aamma akitsuusigassat naatsorsorneqarnerat

§ 6. Uninngasuutinik peqqumaasivittut nalunaarsorneqarsimasut piffissaq akitsuusiiffissaat tassaavoq qaammat.

§ 7. Uninngasuutinik peqqumaasivittut nalunaarsorneqarsimasut piffissami akitsuusiiffissaami akitsuusigassat naatsorsugassaat tassaapput nioqququtissat akitsuusigassat kiassarnermut, in-naallagissiornermut imaluunniit motoorimut ikummattissat atorneqarsimasut millissutinik assigisaannillu taperlugit, tak. § 2, imm. 1, imaluunniit akitsuuteqarfiusumut eqqunneqarsimasut, tak. § 2, imm. 2, nioqququtissanik akitsuusigassanik akitsuusigaanngitsumik uninngasuutinut ilassutaasimasunik ilanngarlugit, tak. § 5, imm. 1. Naatsorsuinerup qanoq ittuunissaa akileraaruseriffiup maleruagassiai naapertorlugin aalajangersarneqassaaq.

Imm. 2. Pisuni allani akitsuusigassat tassaapput nioqququtissat suliffeqarfiiup imaluunniit inuup pisuni ataasiakkaani pissarsiarisimasai tigusimasaaluunniit.

Imm. 3. Naalakkersuisut uninngasuutinik peqqumaasivittut nalunaarsorneqarsimasut akitsuusigassanik qanoq naatsorsuisarnissaat pillugu maleruagassanik erseqqinnerusunik aalajangersasinaapput.

§ 8. Akitsuusigassanit § 7, imm. 1 naapertorlugu naatsorsorneqartunit ilanngaatigineqassapput

- 1) nioqququtissat akitsuuteqarfiusup avataanut anninneqartut,
- 2) nioqququtissat § 9 naapertorlugu avatangiisirut akitsuusigassaaanngitsut, aamma
- 3) nioqququtissat suliffeqarfimmeli imaluunniit suliffeqarfimmumut suliffeqarfimmiliunniit assartorneqarneranni ikuallattoqarnera, engartoqarnera assigisaaluunniit pissutigalugu annaaneqartut.

Imm. 2. Imm. 1 -imi aalajangersagaq nioqququtissanut akitsuusigaanngitsumik uninngasuutinut atuutinngilaq.

Akitsuummik akiliisussaatitaannginneq aamma akitsuummik utertitsineq

§ 9. Uninngasuutinik peqqumaasivittut nalunaarsorneqarsimasut nioqquissanik angallatinut ukununnga tunisaqarneranni akitsusiiisoqassanngilaq

- 1) umiarsuit nunanut allanut ingerlaartut, tassunga ilanggullugit umiarsuit takornarianik angallassisutit,
- 2) umiarsuit uuliasiortut gassisiorttullu 1.500 bruttotonnage-mik imaluunniit bruttoregistertonage-mik taannalu qaangerlugu usisinnaasut
- 3) timmisartut nunanut allanut ingerlaartut,
- 4) aalisariutit Kalaallit Nunaanni angerlarsimaffeqartutut nalunaarsorneqarsimanngitsut, aamma
- 5) aalisariutit 200 bruttotonnage-mik imaluunniit bruttoregistertonage-mik taannalu qaangerlugu usisinnaasut, Kalaallit Nunaanni angerlarsimaffeqartutut nalunaarsorneqarsimasut.

Imm. 2. Akitsuusiinnginnissami piumasaqaataavoq nioqquissaq umiarsuup, timmisartup, aalisariutillunniit orsussaasivianut toqqaannartumik tunineqarnissaa.

Imm. 3. Naalakkersuisut akitsuummik akiliisussaatitaannginnernut atatillugu naatsorsuusiornermi nakkutilliinermilu maleruagassanik aalajangersaasinnaapput.

Akiliisussaatitaaneq

§ 10. Akitsuummik § 2, imm. 1-imí pineqartumik akiliisussaatitaavoq akitsuummik akiliisussaatitaanerup atuutilernerani nioqquissamik piginnittoq.

Imm. 2. Akitsuummik § 2, imm. 2-mi pineqartumik akiliisussaatitaavoq akitsuummik akiliisussaatitaanerup atuutilernerani nioqquissamik pigisaqalersutut nalunaarneqarsimasoq.

Naatsorsuusiorneq pillugu aalajangersakkat

§ 11. Uninngasuutinik peqqumaasivittut § 3, imm. 1 naapertorlugu nalunaarsorneqarsimasut nioqquissat piliarneqartut, suliarineqartut eqqussorneqartut amerlissutaat imaluunniit akitsuusigaanngitsumik uninngasuutit ikilissutaat, kiisalu nioqquissat § 8 aamma § 9, imm. 1 naapertorlugit tunineqartut atukkallu naatsorsuuteqartissavaat.

Imm. 2. Allat uninngasuutinik peqqumaasivittut § 3, imm. 2 naapertorlugu nalunaarsorneqarsimasut nioqquissat akitsuusigassat pigilikkatik, tunisatik suliffeqarfimmilu atukkatik naatsorsuuteqartissavaat.

Imm. 3. Uninngasuutinik peqqumaasivittut nalunaarsorneqarsimasup tunisaqarnerani pisiat allagartaanni paassisutissatut allassimassapput ulloq akiligassat allagartaata sananeqarfia, nioqquissanik tunisisup aqqa, pisup aqqa, nioqquissap sumut tunniunneqarnera, nioqquissap suunera annertussusialu kiisalu avatangiisirut akitsuutip annertussusia.

Imm. 4. Suliffeqarfiiit assigisaasalu naatsorsuutit, matumanit ilanggullugit pisiat allagartaat, pisiat allagartaasa assilineqarneri naatsorsuinerillu ukiup naatsorsuusiorfiusup naanerata kingorna ukiuni tallimani toqqortarissavaat.

Avatangiisinut akitsuummik akiliineq

§ 12. Uninngasuutinik peqqumaasivittut nalunaarsorneqarsimasut piffissat akitsuuifiessat naanerisa kingorna kingusinnerpaamik qaammatit ulluisa 15-ianni nioqqtissat akitsuusigassat qanoq annertutigineri akileraaruseriffimmut nalunaarutigisassavaat, tak. § 7, imm. 1 aamma § 8. Avatangiisinut akitsuut piffissat akitsuuifiessat naanerisa kingorna kingusinnerpaamik qaammatit arfinilissaata ulluisa 15-ianni akileraaruseriffimmut akilerneqartassaaq.

Imm. 2. Akitsuummik akiliisussaatitaasut § 4-mi taaneqartut avatangiisinut akitsuut, akitsuummik akiliisussaatitaanerup atuutilernerata kingorna kingusinnerpaamik ullut 14-it qaa-angiunneranni akileraaruseriffimmut akilertassavaat. Nioqqtissat qanoq annertutigisut avatangiisinut akitsuuserneqarnissaannik naatsorsuineq § 7, imm. 2-mi maleruagassat naapertorlugu git pissaaq.

§ 13. Uninngasuutinik peqqumaasivittut nalunaarsorneqarsimasoq avatangiisinut akitsuummik piffissaagallartillugu akiliisimanngitsoq, akileraaruseriffimmit peqquneqarsinnaavoq nioqqtissat tiguneranni nalunaaruteqartaleqqullugu. Aamma akileraaruseriffiup suliffeqarfik peqqusinnaavaa avatangiisinut akitsuut nioqqtissat tiguneranni akilertaleqqullugu.

§ 14. Nioqqtissat akitsuusigassat avatangiisinut akitsuummik inatsit naapertorlugu akilerneqarsimasussaagaluamik akiliinani tunineqarsimappata, pigineqalersimappata atorneqarsimapataluunniit aningaasat akilinngitsoorneqarsimasut akileeqqusinermiit kingusinnerpaamik ullut 14-it qaangiunneranni akileqquneqassapput. Aningaasat akilinngitsoorneqarsimasut anner-tussusiat suliffeqarfifup naatsorsuutai tunngavigalugit naatsorsorneqarsinnaanngippat, akileraaruseriffiup missingersuinermigut angissusilersinnaavaa.

Imm. 2. Nioqqtissat akitsuusigassat § 9 naapertorlugu akitsuusigassaajunnaartut atorneqarfissaminnut naatsorsuussamit allaasumut atorneqarpata, suliffeqarfifup nioqqtissanik akitsuuteqanngitsumik pisisinnaanera akileraaruseriffiup atorunnaarsissinnaavaa. Nioqqtissat pineqartut avatangiisinut akitsuutaat akileeqqusinermiit kingusinnerpaamik ullut 14-it qaangiunneranni akileqqullugu suliffeqarfik peqquneqassaaq.

Imm. 3. Suliffeqarfifup nioqqtissanik akitsuuteqanngitsumik pisisinnaaneranik atorunnaarsit-sinerminut atatillugu akileraaruseriffiup uninngasuutinik peqqumaasivittut nalunaarsorneqarsimasoq nalunaarfisisinnaavaa, suliffeqarfik nioqqtissanik akitsuuteqanngitsunik siunissami tunisiffiqeqarsinnaassanngitsoq.

Pineqaatissiissutit

§ 15. Kinaluunniit piaaraluneerluni imaluunniit mianersuaalliorujussuarluni iliuuseqartoq akiliisinneqassaaq

1) akitsuutinik nakkutilliinermi atugassanik imaluunniit akitsuummik utertitassamik tunnus-sinissamut tunngavissaq pillugu equnngitsunik paasinerluutaasinnaasunilluunniit paassisutis-siisoq imaluunniit paassisutissanik nipangiuissisoq,

- 2) § 3, imm. 1-imik, § 4-mik, § 5, imm. 1-imik, imaluunniit § 11, imm. 1-imiit 4-mut unioq-qutitsisoq,
- 3) § 13, oqaaseqatigiinni siullerni peqqusinermik nalunaarutigeriikkamik malinninngitsoq,
- 4) nioqqutissanik avatangiisinut akitsummiq inatsit naapertorlugu akilerneqarsimasussaagaluamik akiliinani tunisisoq, pigisaqalersoq, pissarsisoq imaluunniit atuisoq, taamaalioriaraluarlorluunniit.

Imm. 2. Selskabi assigisaalu imm. 1-imik unioqqutitsisuuppata Kalaallit Nunaanni pinerluttulerinermik inatsimmi kapitali 5-imi maleruagassat naapertorlugit pinerluutinut akisussaatitsisqarsinnaavoq.

§ 16. Akileraaruseriffik isumaqarpat unioqqutitsineq akiliisitaanermit sakkortunerusumik pi-neqaatitaqartariaqanngitsoq, taava Naalakkersuisut taakkualuunniit taamaaliornissamut pigin-naatitaata pineqartoq nalunaarfigissavaa suliassaq eqqartuussisutigoortitsinertaqanngitsumik inerneqarsinnaasoq ilumut unioqqutitsisimanini paasippagu aammalu piffissaatitap erseqqinerusumik aalajangikkap, qinnuteqarnikkut sivitsorneqarsinnaasup qaangiutinnginnerani aki-liutissamik nalunaarummi taaneqartumik akiliuumappat.

Imm. 2. Paasisitsissut imm. 1-imi taaneqartoq pillugu Kalaallit Nunaanni eqqartuussisarnermik inatsimmi maleruagassat unnerluussutip imarisai pillugit taamaallutik atuutissapput.

Imm. 3. Akiliutissaq piffissaagallartillugu akilerneqarluniluunniit isumaqatigiissuteqartoqar-neratigut tiguniarneqarsimappat qanoq iliuuseqartoqaqqissanngilaq.

§ 17. Maleruagassiani inatsit una naapertorlugu atulersinneqarsimasuni, maleruagassiani aa-lajangersakkanik unioqqutitsinerit akiliisitaanermik pillarneqarnissaannik aalajangersaasoqar-sinnaavoq.

Imm. 2. Maleruagassiani inatsit una naapertorlugu atulersinneqarsimasuni selskabit assigisaallu Kalaallit Nunaanni pinerluttulerinermik inatsimmi kapitali 5-imi maleruagassat naaper-torlugit pinerluutinut akisussatinneqarsinnaapput.

§ 18. § 15 aamma § 17 naapertorlugit akiliutissanngortitat landskarsip pisassarai.

Atortuulerfia

§ 19. Inatsit atortuulissaaq 1. januar 2011, atuutissallunilu nioqqutissanut 1. januar 2011-miit kingusinnerusukkulluunniit akitsuuusigassaalersussanut.

Namminersorlutik Oqartussat, ulloq xx.xxxx 2010

Kuupik Kleist

/

Palle Christiansen